

Payí Poro Pairimono nání eajñarinti.

Payí rína Pairimono nání Poro eajñarinti. Pairimono ámá aŋf yoí Korosi ɻweáyí worinti. Amípí wí mímúronorinti. Xínáinjí nimóniri wiariigfáyí wí ení tñorinti. Oyá xínáinjí nimóniri omiñjí wiaariigfáyí wo, Onesimasoyí ríniyo re eñiniginti. Íwí níwikárimí éf nurí Romíyo nírémorí Poro, e gwí ɻweajomí níwímeairijpimi dání ámi dñjí émóagí Poro payí nearí Onesimasomí níwiowáriríná Pairimono yokwarimí níwiirí oumímíniří nearí wiowárinjinti.

¹ Poroní —Nioní Kiraisí Jisasomí níxídirí yariñápi nání gwí aŋfyo níjwíráriigfónirinti. Nioní tñní negí nírixímeá Timotio tñní payí rína nearí mónapariñwi. Pairimonoxí, yegí dñjí sítixíriyigwíoxí —Joxí yawawi tñní nawíní Jisasomí níxídirí yariñwá nání gwí móniñwá woxirinti.

² Joxí tñní negí nírixímeáí Apiaí tñní Akipaso tññí —O none tñní negí nawíní roarinjwá worinti. O tñní Jisasoyá sítikí imónigfá joxiyá aŋf iwámí awí eánarigfáyí tñní ayí níñí ení aí tñní nání payí rína nearí mónapariñwi.

³ “Negí ápo Goríxo tñní Áminá Jisasí Kiraíso tñní awaú wá seawianiri seyñé pírániñjí níwayiróniro ɻweapíri nání seaiiri éfisixinti.” nimónarinti.

“Joxi yariñípi náni yayí ninariní.” uríñí nániriní.

4-5 Nioní negí Gorixomí xwityá rírimí níwiri joxi náni rixiñí níruriyiríná arfá re níwiri náni, “O ámá Gorixoyá imónigfá níyoní díñí sípí níwiri arirá wirí Áminá Jisasomí díñí wíkwíroí yariñoriní.” Arfá e níwiri náni joxi náni rixiñí níruriyiríná Gorixomí yayí wiariñáriní.

6 Joxi nene tñíti nawíni Kiraisomí díñí wíkwíroaríñagwi náni nawíni ikáriñíñwápimi dání “rípi re oimóniní.” nimónariní, “Amípí nañí Kiraisomí nuxídíríná epaxí imóninjwá nípíni náni xixení níjíá oimóniní.” nimónariní.

7 Gí nírixímeáoxiní, joxi ámá Gorixoyá imónigfáyo díñí sípí níwiri neríñípimi dání díñí sítí umímoní enagi náni nioní yayí ayá wí níñiníri díñí nífá ninariní.

Pairimonomi Onesimaso náni rixiñí wuríyijí nániriní.

8-9 Ayinání Poroní —Nioní rixa xweyanoní nerí Kiraisí Jisasomí nuxídíríná yariñápi náni gwí ñweañáoníriní. Nioní yawawi Kiraiso náni nawíni gwí móñigwíwawi enagi náni masistá bi misí “O e nerínayí nañí imóninjípi yariñí.” yaiwiariñápi e éirixiníri sekaxí bi ríripaxí aiwí díñí sítí yinariñgwíwawi enagi náni awayiní rixiñí bi oríriminí.

10 Onesimaso —O nioní gwí aní týo níñwearíná wáí uríapimi dání Gorixomí díñí wíkwíroaríñí enagi náni gí íwóninjí emeááoriní. “O náni rixiñí bi owuriyimini.” nimónigoí.

11 Xámí “Yíwí imóniñorfaní?” wiaiwiago aiwí agwí joxí tñí nioní tñí níwawini dñjí unjwiráripaxí imóniñoriní.

12 Agwí nioní omí joxí tñjí e nání nurowáriríná gí dñjí aí tñí níxeyániríñíñí wírénapariñiní.

13-14 Nioní xwiytíá yayí neainarinjípi wáí urímeairiñáoni ejagi nání gwí anjyo ñweañáná “Onesimaso nioní tñí níñwearí joxí nání wayfá arírá onintí.” nínimóníri aiwí joxí “Ayí ananiriní.” síní mññirípa ejánayí, “E apí xe oemintí.” mñnimóníagí nání ámi joxí tñjí e nání urowárénapariñiní. Joxí “Poro sekaxí nírífípimi dání oemintí.” miyaiwí dixí dñjíyo dání “Xe Poro tñí níñwearí arírá owintí.” yaiwiríta nání omí joxí tñjí e nání úrowárénapariñiní.

15 Ayí rípi nání ríraríñiní. O ámi aníñí joxiyá imóniníta nání bí onímiápí pñni níríwiárimí níbíri ñweañfrífaní?

16 O síní dixí rínaíníñí nimóníri omíñí siiaríjo aí síní axí apíni mimóní apimi nímúrorí Jisasomí dñjí níwíkwírorí nání gí nírixímeá dñjí sítí uyinjáóníñí imóniñfriní. E nimóníri aiwí joxí anjipaxí “Rixa gí nírixímeáóníñí imóniñí worfaní?” wiaiwipaxoriní.

17 Ayinání “Poro nioní tñí nawíní gwí mónigwíforfaní?” níniaiwirínayí, Onesimaso símeááná nioní nímíñíñíñíri ejípa omí ení axípi umímíñírixiní.

18 E níríriri aí o pñni níríwiárimí nuríná sípi nízikárimí unjípiraní, amípí íwí rírápíñípíraní, ananí nioní ríyípárómíráriní.

19 Poroní niñwaníñoní gí wé tñí ríwamíñí rípi

“Nioní riyipárómíráriñi.” nírirí eaariñini. Ayí joxí ení manjí nioniyáyo dání rarfná Jisasomi dñí wíkwíróagí nání joxí nioní ení niyipáropaxí imóniñípí nání mírirípa éimigini.

20 Gí nírixímeáoxini, Ámíná Kiraiso tñí nawíni ikárinigwíoxí enagí nání nioní rixihí rírfápí xíxeni niírixini. E nerfnayí, apíni mé dñí sítí ení nínimoríráriñi.

21 “Artá yímigí ninijoí.” níisiaiwirí dñí sítí neánaríngí nání re nínimóniri payí eaariñini, “Joxí nioní rírfápíni mé apí nímurori ámi seáyi e imóniñí bí tñí erfáriñi.” nínimóniri payí rína eaariñini.

22 Rixihí ámi bí rípi orírimini, “Aní awawá nioní wepaxí imóniñíwá óf nimoáritírixini.” orírimini. Ayí rípi nání ríraríñini. Seyné Gorixomí rixihí nuriyarígíápimi dání oyá dñí tñí gwí aníyo dání níwáráná seyné tíamini bítimigini dñí nikwímorí nání raríñini.

Yayí níwiowárirína uríñípí náníriñi.

23 Epapíraso —O ení Kiraisí Jisasomi uxídaríñí wo enagí nání nioní tñí nawíni gwí ñweagwíoríñi. O joxí nání yayí siowárenapariní.

24 Mako tñí Arisítakaso tñí Dimaso tñí Ruko tñí —Awa Jisasomi níxídiró yaríñagíá nání gwí nímonigíáwaríñi. Awa ení yayí siowárenapariñoi.

25 “Ámíná Jisasí Kiraiso aníñí wá níseawiaga úwíñigini.” nimónaríñi.

Xwiyá Gorixoyá Siñipirini
The New Testament in the Ankave language of Papua
New Guinea
Nupela Testamen long tokples Angave long Niugini
copyright © 1990 Wycliffe Bible Translators, Inc.

Language: Angave (Ankave)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-03

PDF generated using Haiola and XeLaTeX on 18 Mar 2025 from source files
dated 31 Aug 2023

7a156761-2cde-5bbc-8428-650a73434051